



**Rigor Moderatus Doctrinæ Pontificiæ Circa Usuras A SS.
D. N. Benedicto XIV. Per Epistolam Encyclicam Episcopis
Italiæ Traditus**

Specimina exhibens Moderationis Pontificiæ, à P. Daniele Concina violatæ

Zech, Franz Xaver

Ingolstadii, 1749

Art. 1. Generales Notitiæ de Montibus Pietatis.

[urn:nbn:de:hbz:466:1-63772](#)

§. 258.

Commodus dicendorum ordo, quantum res patietur, servabitur, tota materia in quinque Articulos distincta. *Dicendo-*
rum ordo.
Primus continebit Generales Notitias de Montibus Pietatis.
Secundus deteget eorundem originem. *Tertius* recensebit hujus Instituti progressum. *Quartus* referet quorundam Auctorum observationes pro ejusmodi Montibus in Germania fors erigendis non inutiles.

§. 259.

Montes appellamus quandam pecuniæ, tritici, farinæ, aliarumve rerum ejusmodi cumulum, ex eleemosynis, aut aliunde collectum, ut vel pauperibus, vel publicis necessitatibus consulatur. Illi *Montes*, qui ex primæva sua institutione ad pauperum necessitates per mutuum sublevandas destinati sunt, propriam sibi faciunt appellationem *Montium Pietatis*. Qui ad alios fines intenduntur, alia plerumque nomina obtinent.

*Art. I.
GENERAL-
LES NOTI-
TIAE DE
MONTIBUS
PIETATIS,
Definitio
Montium*

§. 260.

Mons igitur Pietatis est summa quedam pecuniæ (seu alia-*Pietatis*: rum rerum usi consumptibilium) in pauperum opem collata, ut ipsis sub pignore credatur.

§. 261.

Montis nomen valde aptum videtur ad denotandos *Etimolo-* ejusmodi congestos pecuniarum, seu frumenti acervos, *gia:* cùm apud Linguæ Latinæ Principes passim *Montes* ad quarumlibet rerum affluentem copiam transferantur; & tam in Teutonica, quam Latina Lingua, vulgari proverbio *aurei Montes* jactentur. (a) *Pietatis* nomen meritò tribuit sanctissimus, qui intenditur finis, levamen scilicet indigentium.

(a) vid. ERASM. *adag. aureos montes polliceri. Et: Montes frumenti.*

§. 262.

*Uſus no-
minis an-
tiquus.*

Unde jam sæculo post Christum quarto pecunias in usum pauperum à fidelibus collatas, quas Ethnicorum persuasio vero copiosiores fingebat, Montis nomine indigitari posse, creditit PRUDENTIUS, (a) dum de Præfecto urbis Romanæ sic canit: *Laurentium ſifti jubet, exquirit arcam ditibus Massis refertam, & fulgidæ MONTES monetæ conditos.* Nec Pietatis laus his Montibus tunc deerat; hinc idem Tyrannus de iis, qui pecunias suas conferunt, ibidem dicit: *Et summa PIETAS creditur, nudare dulces liberos.*

(a) In hymno de S. Laurentio.

*Conve-
nientia
cum locu-
lis Christi.*

Habent hodierni Montes Pietatis aliquam convenientiam cum loculis Christi, vel cum illa collectione, quam primi Christiani ante pedes Apostolorum ponebant, ut distribueretur, quantum cuique opus effet. Unde etiam ab aliquibus *Montes Christi*, & *Deposita Apostolica* olim vocabantur. Id tamen notabile discrimen intercedit, quod ex Depositis primorum Christianorum, eleemosynæ prorsus gratis donarentur, quibus largitionibus exauriebantur demum pia æraria, nisi nova identidem subsidia suppeditaret Fidelium charitas. Econtra in Montibus Pietatis non eleemosyna, sed mutuum, & quidem sub pignore datur, suo tempore restituendum. Qua ratione quidem minor liberalitas exhibetur; beneficium (a) tamen Montium perpetuatur, & non præsentibus solùm, sed futuris etiam pauperum necessitatibus prospicitur.

(a) *Beneficium conferri dicitur, etiamsi res non donetur, sed mu-
tuò, aut precariò, imò etiam cum onere quodam servitiorum
concedatur, donec mutuum restituatur. vid. MARCULF. lib. 2.
form. 27. & BIGNON. not. ad lib. 2. form. 5.*

§. 264.

§. 264.

Montes isti conflantur ex piis largitionibus dicitum, *Materia;*
 legatis, eleemosynis: ex publico aerario: ex necessaria ci-
 vium contributione: ex pecuniis depositis, vel sequestratis: *ex qua*
Montes
ex multis pecuniariis: ex otioso pupillorum aut viduarum tur:
peculio: ex puellarum adhuc impuberum dotibus: deni-
que ex creditis, seu etiam pretiis, quibus sibi loca quædam
Montium, seu jus percipiendi certos fructus ex Montibus
comparant nonnulli, propterea Creditores Montis, Socii
Montis, seu Montista dicti.

§. 265.

Finis primarius, & ex primæva institutione intentus *Finis pri-*
 est, ut subveniatur pauperibus mutuo indigentibus, ne hi *mævus.*
 cogerentur à Judæis mutuum sumere sub usuris enormibus.
 Progrediente tempore latius ad alios fines extensa est Mont-
 ium quorundam utilitas, nempe ad sublevandas necessita-
 tes publicas totius Communitatis, vel ipso *am* Principum,
 vel etiam privatarum familiarum. Unde inventæ sunt ra-
 tiones cumulandi intra breve tempus ingentes pecuniarum
 summas, quibus hi Montes in immensum augerentur, &
 non tantum pauperibus, sed etiam dicitibus & mercatori-
 bus inde mutuum præberi, vel pecuniae ad meliorem quem-
 cunque usum impendi possent.

§. 266.

Ut ejusmodi Montes utilitatem & ætatem ferant, ne *Erigendi*
cessarium omnino est, ut non privata, sed publica aucto- *sunt au-*
*ritate erigantur. Nemo enim facilè pecunias suas, quas vel *ctoritate**
publica
pro commodo futurorum temporum ad subsidium pau-
perum liberaliter largitur; vel etiam pro fructu percipiendo
credit, privatis hominibus committet, nisi Magistratus au-
toritas securitatem præstet. Dein multa subsidia, quæ am-

V

plian-

pliendo Monti serviunt, obvenire non possunt, nisi accedente auctoritate publica, uti sunt Deposita Judicialia, pecuniae sequestratae, mulctae, necessariae contributiones ci-vium. Insuper interest Reipublicae scire de ejusmodi exercitiis, ne fraudes irrepant, & usuris pandatur porta.

Privata auctoritate posse erigi Montem Pietatis tradit PASQUA-LIGUS Decis. 199. & 200. ut autem stabilitatem, & publicam fidem habeant, publica etiam auctoritas necessaria est.

§. 267.

Summi Pontificis, Cum institutum hoc primam originem habuerit in ci-vitatibus territorii Pontificii, utile, conveniens, & necessarium fuit, ut Romanus Pontifex non solum auctoritatem suam Ecclesiasticam, sed etiam saecularem illis impenderet. (a) Pro aliarum Civitatum, extra Pontificium ter-ritorium sitarum, Montibus erigendis petita nonnunquam fuit Pontificis confirmatio, ex eo praecipue capite, quod Justitiam Montium impugnaverint multi, à potestate Episcoporum exempti, ad quos compescendos supra-ma auctoritate Apostolica stabiliendi erant Montes. Eo libentius autem haec implorabatur, quo luculentiora pro Montium emolumento petebantur privilegia, quorum concessio po-testatem Episcoporum, vel saecularium Principum videba-tur excedere.

(a) FILLIUCIUS tr. 34. p. 2. n. 187. in fin. bene monet, Montes profanos in bonum privatæ familie Romanæ erigi non posse absque licentia Summi Pontificis, qui etiam non aliter concedit, nisi assignentur Reditus, spatio annorum 20. vel 30. suffecturi ad præstandos fructus, & expungendum summam capitalem emptorum. Destruerentur alias facile spes & res successorum, ut-pote redditibus, qui ad eos pervenire deberent, jam obligatis. Pontifex igitur, ut Princeps Regionis providere debet, ne consti-tuantur ejusmodi Montes in grave nobilium familiarum damnum.

§. 268.

§. 268.

Natura autem hujus negotii ea est, ut æquè sufficiat *Vel Episco-*
auctoritas Episcopi, vel Magistratus Laici, aut Principis^{pi}, *vel*
Ecclesiastica quidem auctoritas, sive Episcopi, sive Papæ *Principis*.
Romani, ad hoc requiritur, ut ejusmodi Montes numeren-
tur inter causas pias, harumque privilegiis gaudeant. Ad
profanos autem Montes erigendos, Principis, vel Reipubli-
cæ concessio imploranda est, uti in Belgio, & multis
Germaniæ civitatibus factum videmus.

Non sat satis peritè D. SENCKENBERG in Epistola adjecta *Disquisi-*
tione Juridica de Montibus Pietatis sub præsidio suo propugnatæ.
notat mysterium, quod nemini animadversum esse dicit, scili-
cet omnes Montes Pietatis non ab Episcopis locorum, sed abs-
que medio à Pontifice Maximo confirmatos, adeoque confirmationem
Montium factam esse *Casum Papalem*, quia quorundam
de usuris objectionem tollere, non nisi Pontificis erat, utpote
qui solus secundum Canones de iis dispensare, aut aliquid, quod
revera videtur, non esse usurarium declarare potest. Ita D. SEN-
KENBERG. Verum declaratio Summi Pontificis, imò univer-
salis Synodi Lateranensis in ea, quam videbitus, Doctorum
collisione, erat haud dubiè summæ auctoritatis, & argumentum
fortissimum pro tuendo Montium instituto. Ut tamen singuli
Montes erigantur, vel etiam Causis piis annumerentur, auco-
ritas Principis, & Episcopi sufficit. Dispensatio autem locum in
hac re non habet; si enim nihil, quod usurariam pravitatem
sapiat, intervenerit; dispensatione opus non est: si verò nova
Montium forma usuram contineat; in hac nec Episcopus, nec
Romanus Pontifex dispensationem posset impendere. Falsum
igitur est, confirmationem Montium factam esse *Casum Papalem*.

§. 269.

Quæri potest, in cuius dominio sint pecuniae pro *In cuius*
Monte congregatae? Aliqui dominium earum, Magistratui *sint domi-*
vel Communitati adstruunt, alii pauperibus. In dominium *nio?*
Communitatis eas redigere, nisi forte ex ærario publico
V 2. de-

desumantur, difficile videtur, cum nihil aliud Communitati, vel Magistratui competit, quam sola administratio juxta præscriptas Montis Leges; nulla vero libera dispositio ad proprium beneplacitum, vel commodum. Ut pauperibus dominium tribuatur, æquè difficile est, cum percipi vix possit, qua ratione mutuum dari, & quidem sub pignore possit pauperibus ex ea summa, quæ ipsorum est propria. Quæstio hæc multum habet subtilitatis, parum ad praxin conducibilis. Moveri eadem potest de aliis operibus piis, uti de pecunia ad dotandas Virgines legata, de redditibus ad alendos pauperes Scholasticos &c. Possunt Montes, & alia ejusmodi pia opera considerari tanquam personæ fictæ, ad modum hæreditatis jacentis, quibus omnia jura competunt, quæ aliorum dominorum sunt propria.

§. 270.

Variæ divisiones Montium. Porro variæ sunt horum Montium species, quas breviter recensemus.

I. Prima Montium divisio est in *Montes Pietatis*, & *Montes profanos*. Ex illis dato mutuo subvenitur pauperibus. Ex his meliori quoque modo privatis, publicisque necessitatibus providetur.

II. Montes Pietatis à modo colligendi pecunias, alii dicuntur *puri*, qui eriguntur ex pecuniis liberaliter & gratuitò collatis: alii *mixti*, ex quibus Montistæ, qui pecunias conferunt, fructum percipiunt.

III. A modo distribuendi pecunias, alii sunt *perfectissimi*, ubi mutua prorsus gratis, & solis pauperibus conceduntur: *minus perfecti*, ubi exigitur modicum quid ultra sortem stipendiis ministrorum & aliis impensis: *imperfecti*, ubi mutuatarius insuper solvere debet interusurium, quod debetur Montistis; mutuum autem non solis pauperibus, sed fere cuicunque petenti conceditur.

IV. A

IV. A materia variam appellationem habent Montes *pecuniae*, Montes *frumenti*, Montes *farinae*.

V. Montes profani à se invicem discernuntur denominatione sumpta ab Auctoribus, qui eos exerunt, uti *Mons Julius*, *Mons Pius*, *Mons Sextus*.

VI. Vel à familiis & locis, in quorum favorem sunt constituti, uti *Mons Ursinus*, *Mons Cæsarinus*.

VII. Vel à causis, quæ originem dederunt, uti *Mons Fidei*, *Mons Religionis*, *Mons Pacis*, *Mons Aluminum*.

VIII. Vel à tempore, ad quod pro diverso, qui intenditur, fine durare debebunt, uti *Mons Novennalis*.

IX. Vel à forma, uti *Mons Redimibilis*, vel *Irredimibilis*: *Vacabilis*, vel *Non vacabilis*, prout infra explicabitur. (§. 325.)

§. 271.

Art. II.

ORIGO
MONTIUM
PIETATIS.
Aliena in-
digentia
succurri-
tur

Juvat altius horum Montium originem repetere. Christianæ charitatis & humanæ societatis leges imperant, ut alienæ indigentiae juxta facultatem propriam succurrimus. Fieri id potest vel *Eleemosyna*, vel *Mutuo*.

§. 272.

Nunquam non Fidelium pietas conferre solebat eleemosynas, per fidos ministros pauperibus erogandas. *Vel ele-*
mosynas, per fidos ministros pauperibus erogandas. *mosynas*,
Exempla hujus liberalitatis in omnibus Ecclesiasticæ Historiæ monumentis occurunt. Recentissimè Serenissimus Dux & Elector Bavariæ, paterno affectu erga veros pauperes commotus, simûlque præcavere volens malis & fraudibus, quæ sub prætextu mendicitatis committi solent, ordinationes prudentia & pietate plenas constituit, (a) quarum ope sustentationi pauperum ita esset provisum,

V 3

ut